



Bilten

hCa Tuzla

Mjesečni bilten – Mart 2009

- UVOD -

OMLADINSKI RESURSN CENTAR (ORC) TUZLA; OMLADINSKA MREŽA BOSNE I HERCEGOVINE

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanje civilnog društva. (Misija hCa Omladinske mreže u Bosni i Hercegovini, ustanovljena na radionici strateškog planiranja u Kulašima, 11. - 17. Juli 1999.g) Danas mreža okuplja 119 članica i 38 pojedinca iz 65 mjesta u BiH (zadnji podatak iz februara 2009 nakon revizije).

Dragi prijatelji, Pred vama se nalazi **martovsko** izdanje mjesečnog informativnog biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

Aktivnosti u Martu 2009	2
Planovi za April 2009	3
Aktivnosti dijela članica mreže	3
Nove članice	13
Informacije	15
Donatori,školarine,stipendije	19

AKTIVNOSTI U MARTU 2008.

U toku mjeseca hCa/ORC Tuzla je radio na redovnim aktivnostima - obradi informacija interesantnih za omladinski aktivizam i distribucija istih prema omladinskim organizacijama i članovima Mailing liste Omladinske Mreže Bosne i Hercegovine, kao i uređivanju i distribuciji Mjesečnog biltena Omladinske Mreže Bosne i Hercegovine i redovno ažuriranje Web stranice: www.omladina-bih.net.

U okviru Regionalnog projekta za demilitarizaciju, u partnerstvu sa NVO „Peace Action” iz Prilepa (Makedonija) održali smo press konferenciju u ponedjeljak, 30. marta 2009. godine u 11,00 sati u prostorijama Helsinškog parlamenta Građana (hCa) Tuzla / Omladinskog Resursnog Centra Tuzla (ORC) Tuzla. Ovom prilikom smo medije i javnost upoznali sa projektom i najavili naredne aktivnosti projekta:



Potpisivanje peticije- planirano za srijedu, 1. aprila 2009. godine na šetalištu "Korzo" (ispred "Gradske apoteke") u periodu od 12,00 - 14,00 sati uz ugodan muzički program.

Javna debata. Planiramo je organizovati u prvoj polovini aprila 2009. godine pod nazivom: "Regionalna demilitarizacija - prednosti i mogućnosti", na koju ćemo pozvati građane Tuzle da sa uvodničarima otvoreno razgovaraju i razmjene mišljenja o ovoj temi, a tom prilikom ćemo prezentovati rezultate potpisane peticije.

Članovi naše organizacije pozvani su da održe dvije radionice u Bijeljini, a u okviru programa "Povećanje međuetničke i međureligijske tolerancije među mladima u Republici Srpskoj" u organizaciji Helsinškog Odbora za Ljudska Prava u RS-u. Prvu radionicu pod nazivom „Umrežavanje – šta to znači u praksi“ održao je Miralem Tursinović 6. 3. 2009. godine, a drugu „Imati dobru ideju nije dovoljno“ održao je Emir Sejrančić 8. 3. 2009. godine.



PLANIRANE AKTIVNOSTI ZA APRIL 2009

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine.

Rad na organizovanju aktivnosti Regionalnog partnerskog projekta (potpisivanje peticije i Javna debata) u saradnji sa organizacijom NVO „Peace Action“ iz Prilepa (Makedonija)

Potpisivanje peticije - planirano za srijedu, 1. aprila 2009. godine na šetalištu "Korzo" (ispred "Gradske apoteke") u periodu od 12,00 - 14,00 sati uz ugodan muzički program.

Javna debata. Planiramo je organizovati u prvoj polovini aprila 2009. godine pod nazivom: "Regionalna demilitarizacija - prednosti i mogućnosti", na koju ćemo pozvati građane Tuzle da sa uvodničarima otvoreno razgovaraju i razmjene mišljenja o ovoj temi, a tom prilikom ćemo prezentovati rezultate potpisane peticije.

AKTIVNOSTI ČLANICA MREŽE

UDRUŽENJE GRAĐANA „EKO-Leonardo“ KLUB MLADIH, Priboj

Adresa: Priboj bb, 75 249 Priboj

Tel: 065/538-494

E-mail: ugekoleo@teol.net



Nastavak aktivnosti na partnerskom projektu "Od učešća javnosti do održivog razvoja" koji je podržan od EU (EIDHR) i FOD BiH;

- Ažuriranje baze kontakata NVO SI BiH, arhiviranje LOGO-a...
- Radni sastanak sa Udruženjem žena oboljelih od karcinoma dojke „GEA“, Miloša Crnjanskog 1/2, Bijeljina

Mjesečni bilten – Mart 2009

- Učešće na seminaru 10.03.2009.

Seminar o upravljanju životnom sredinom i upravljanju otpadom sa fokusom na regionalnu i lokalnu akciju

Mjesto održavanja seminara je grad Bijeljina, hotel „Drina“

Organizator; Centri civilnih inicijativa i Japanska međunarodna agencija za saradnju (JICA)

Radni sastanak i planiranje saradnje sa grupom NVO KOLOS iz Bijeljine, 13.03.2009.

- 16.03.2009. Učešće na otvaranju ROMSKOG OMLADINSKOG KULTURNOG CENTRA u Bijeljini
- 17.03.2009. Sastanak sa Miloradom Markovićem, zastupnikom Mission Direct Services, LLC
- 19.03.2009. Uspostavljanja saradnja sa Min. za šumarstvo, poljoprivredu i vodoprivredu RS
- 21.03.2009. obilježavanje Svjetskog dana šuma
- 22.03.2009. zajedničko nastupanje sa NVO iz Bijeljine na obilježavanju Svjetskog dana voda u EKO-kampu Amajlije

Kreiranje saradnje sa mjesnim zajednicama u ciljanim opštinama SI BiH. Iznalaženje najoptimalnijih modaliteta saradnje za animiranje što većeg broja građanstva za učešće javnosti kako bi svi imali jednake mogućnosti za kreiranje održivog razvoja.

- 27.03.2009. Kreiranje podrške svjetskoj kampanji EARTHOUR
- 28.-29.03.2009. učešće na radionici, Hotel PARK, Vogošća, Sarajevo-RADIONICA «JAČANJE KAPACITETA GRUPE ENERGIJA ZA UČEŠĆE U IZRADI ENERGETSKIH STRATEGIJA U BIH»

31.03.2009. godine u 13.00 sati u Hotelu „Tuzla“ potpisali smo Memorandum o saradnji, u okviru programa „Civilno društvo i građani“, a uz finansijsku podršku Centara civilnih inicijativa, organizacije „Centar za razvoj i podršku“ (CRP) iz Tuzle i „OKC“ iz Banja Luke (u okviru projekta „Zašto čekati – neka obrazovanje kreira budućnost“), kao i organizacije „Zašto ne“, „Ekipa“ i „ACIPS“ iz Sarajeva (u okviru projekta „Stvorimo društvo znanja – dajmo šansu studiranju“). organizovan je i prvi zvanični sastanak Koalicije o čijim ciljevima formiranja ste već ranije informisani.

U mjesecu aprilu planirano je održavanje radionice za EKOALICIJU, odnosno za koaliciju 39 NVO iz SI BiH, projekat "Od učešća javnosti do održivog razvoja", koja će se održati u Tuzli, 14.04.2009. sa ciljem upoznavanja članica, potpisivanja protokola o saradnji, planiranju zajedničkih aktivnosti.

KULT Sarajevo

Adresa: Banjska Ulica 2, 71210 Sarajevo

Tel: 033 637 290

E-mail: sarajevo@kultbih.org

Web: www.mladi.org



Udruženje KULT, sa svoja četiri ureda, svojim aktivnostima i djelovanjem u javnom životu nastoji kreirati demokratsku sredinu gdje će vlasti biti partneri nevladinim organizacijama i zajedničkim naporima učiniti život građana/ki kvalitetnijim i boljim.

Centralni ured Sarajevo (CUS)

Banjska ul. 2

Mjesečni bilten – Mart 2009

71210 Ilidža
sarajevo@kultbih.org
www.mladi.org
Tel./faks: 033 637 290

Obrazovno - raznodni centar za mlade SPAJALICA i Udruženje KULT imali su mnogo aktivnosti. Povodom obilježavanja 12. marta, Dana općine Ilidža, održana je Svečana sjednica Općinskog vijeća Ilidža, na kojoj su dodijeljena najveća priznanja Općine. Obrazovno-raznodni centar za mlade SPAJALICA dobio je zlatnu plaketu za izuzetan doprinos u odgojno-obrazovnom radu s mladima.

U SPAJALICI se održavaju razni kursevi, a neki od njih su se završili upravo u martu. Sedam polaznica kursa šivanja dobile su certifikat o uspješno završenom kursu. Održano je i završno testiranje kursa računara - *MS Office*, nakon čega su dodijeljeni certifikati svim polaznicima/ama koji su zadovoljili na ispitu.

U prostorijama SPAJALICE 15. februara održano je savjetovanje za mlade u sklopu projekta MASLAČAK – reci DA zdravom životu. Savjetovanju su prisustvovali volonteri/ke Udruženja KULT kao i srednjoškolci/ke s Ilidže.

Zaposlenice Udruženja KULT sudjelovale su na seminaru „Struktura i kultura sticanja znanja: Metode mirnog angažiranja u reagiranju na tenzije i krize“, koji je održan od 20. do 22. marta 2009. g. Seminar je realiziran u sklopu projekta „Promocija dijaloga i učešća civilnog društva kao instrument prevencije konflikta i pomirenja u Bosni i Hercegovini“ koji realizira Udruženje Žene ženama Sarajevo uz podršku AECID-a - Španske agencije za međunarodnu saradnju.



U toku su posljednje pripreme za realizaciju Planske igre o Evropskoj uniji. Prijavilo se 89 učenika/ca srednjih škola s područja Kantona Sarajevo. Planska igra će se održati 3. i 4. aprila u Zgradi zajedničkih institucija BiH.



U SPAJALICI je 19. 3. 2009.g. održan informativni sastanak za sve roditelje koji su zainteresirani za prijavu svoga djeteta na Školu prijateljstva. Škola prijateljstva predstavlja besplatni program pomoći u obavljanju domaćih zadataka, ali i program druženja i smislenog upotpunjavanja slobodnog vremena učenika/ca 3. i 4. razreda osnovnih škola s Ilidže.

Neki roditelji su povelj i svoju djecu, koja su za vrijeme trajanja sastanka učestvovala na zanimljivoj radionici. Prema graji učenika/ca i njihovim izjavama da ne žele napustiti SPAJALICU, shvatili smo da im je bilo zaista zanimljivo. Na informativnom sastanku roditelji su se detaljnije upoznali s konceptom Škole prijateljstva.

Prva radionica Škole prijateljstva počinje u utorak, 31.3.2009. g., a mi se nadamo dolasku polaznika/ca i lijepom druženju s njima.



U SPAJALICI je 14. i 15. marta o.g. održana prva radionica UMiD-a u okviru Projekta obrazovanja mladih uključenih u društvene procese. Radionici su prisustvovala sve osobe koje su uredno potpisale svoj primjerak ugovora o pohađanju obuke. Tema prve radionice bila je Građansko društvo i volonterizam.

Mladi su odmah na samom početku detaljno se upoznali sa svim sadržajima tokom trajanja projekta, kao i s Obrazovnim serverom (OS) na www.obuka.ba i Volonterskim dnevnikom™. Popunili su i upitnik o njihovom viđenju trenutne situacije u zajednicama, ali i o očekivanjima na obuci.

Tokom dva dana polaznici/e su se bolje upoznali, te aktivno diskutirali o volontiranju i ulozi mladih u građanskom društvu. Kao najzanimljiviji dio radionice istaknuli su terensku vježbu, na kojoj su anketirali građane/ke na ulici, postavljajući im pitanja jesu li nekad volontirali, bi li (opet) volontirali, ako da, gdje, i ako ne, zašto ne. Rezultate su analizirali po povratku u SPAJALICU.



Udruženje KULT nastavlja s aktivnostima na projektu Puna usta mladih. Pisma podrške Projektu svakodnevno pristižu, sada ih je skoro trideset. Zastupljenost u medijima se ne smanjuje, radijske stanice

traže izjave, televizijske snimaju priloge, mnoge web-stranice pozivaju na podršku projektu. U četvrtak, 26. marta, održan je sastanak na kojem je formirana radna grupa za definiranje stavki iz Zakona o omladinskom organizovanju u RS-u, a koje se ne provode. Na tom su sastanku određena pitanja koja će činiti anketni upitnik u vezi s istom tematikom. Anketni upitnik zainteresirani će moći popuniti *online* na našoj web-stranici www.mladi.org. Napravljeni su prvi koraci ka formiranju radne grupe za revidiranje nacrtu zakona o mladima u Brčko-Distriktu. Dizajniran je i odštampan promotivni letak koji se svakodnevno i na više načina distribuira. Motiv koji je posebno dizajniran za početnu stranicu letka postao je novim logom projekta.

Najava za april:

U okviru projekta MASLAČAK - reci DA zdravom životu 4. i 5. aprila u SPAJALICI održat će se još jedna radionica. Tema radionice bit će Emocionalni razvoj i Bolno odrastanje.

Udruženje KULT će učestvovati u projektu Partnerstvom do zdravlja, koje Ministarstvo zdravstva Kantona Sarajevo provodi povodom obilježavanja Svjetskog dana zdravlja, 7. aprila. Na taj dan u parku Alije Izetbegovića u Sarajevu bit će organiziran Market zdravlja na kojem će se predstaviti svi projekti koje je finansiralo Ministarstvo zdravstva Kantona Sarajevo u 2008. godini.

U aprilu trebala bi biti formirana radna grupa za revidiranje nacrtu zakona o mladima u Brčko-Distriktu, u okviru projekta Puna usta mladih.

Održat će se i druga radionica obuke UMiD u okviru Projekta obrazovanja mladih uključenih u društvene procese, koji finansira Evropska unija.

UDRUŽENJE OBOLJELIH OD HRONIČNIH VIRUSNIH HEPATITISA – "B18"

Adresa: Srđe Zlopogleđe 37, 78000 Banja Luka

Tel: 065/228-923

E-mail: uohcv@blic.net

Web: www.hepatitis.rs.ba

KOPENHAGEN 23-26. APRIL 2009.godine GODIŠNJA SKUPŠTINA ELPA-e

Kao punopravni član ELPA-e (European Liver Patients Association) dva predstavnika našeg Udruženja prisustvovalaće godišnjoj skupštini koja se ove godine održava u Kopenhagenu 23-26.aprila. ELPA www.elpa-info.org je udruženje pacijenata koje okuplja 21 udruženje iz 17 evropskih država.

Skupština će se održati u Bella kongresnom centru gdje se istovremeno u tom periodu održava godišnji evropski kongres hepatologa EASL (The European Association for the Study of the Liver) www.easl.ch. To je najveći događaj u Evropi u ovoj oblasti medicine gdje dolaze najveći stručnjaci iz Evrope i cijelog svijeta da prezentuju najnovija dostignuća iz hepatologije. U velikoj hali kongresnog centra gdje se održava sajam, najveće farmaceutske kuće i proizvođači medicinskih instrumenata iz cijelog svijeta prezentovaće svoje najnovije proizvode.

NVO MDD – Muslimansko dobrotvorno društvo

Merhamet Dobo

adresa: Kralja Aleksandra 17, 74000 Dobo

tel/fax: 053 226 886

web stranica: www.ngo.ba

U martu mjesecu „Merhamet“ je nastavio sa implementacijom projekata:

- „Pružanje zdravstvene zaštite socijalno ugroženim kategorijama“
- „Pomoć starim i nemoćnim osobama koje žive same“
- „ Pokretanje **malog biznisa** kreditiranjem“
- Aktivisti „Merhameta“ Dobo su prisustvovali pozivu na prezentaciju **„Međureligijskog kalendara 2009.god“** koju je organizovala Pax Christi organizacija iz Dervente.



Prezentacija „Međureligijskog kalendara 2009. god“.

- „Merhamet“ posjetila delegacija **HOLANDSKE ORGANIZACIJE „CENTAR ZA ZAŠTITU INTERESA ŽENA“** sa kojom je „Merhamet“ u partnerstvu.
- Humanitarna pomoć za socijalno ugrožene kategorije-donator **AKOVA IMPEX d.o.o. Sarajevo.**
- 24.03.2009. god. predsjednica „Merhameta“ Dobo Avdić Faketa prisustvovala **javnoj raspravi o nacrtu akcionog plana razvoja turizma podregije Ozren.**

Javna rasprava o nacrtu akcionog plana razvoja turizma podregije Ozren.

Svakodnevne aktivnosti:

Mjesečni bilten – Mart 2009

- Upis novih članova i naplata članarine
- Rad na računaru - štampanje tekstova
- Fotokopiranje, narezivanje cd-ova i drugo.
- Aktivistkinja „Merhameta“ Hadžikadunić Arnela pružala obuku na računaru.
- Izrada novih projekata i pronalaženje donatora.

Asocijacija Srednjoškolaca u BiH

Adresa: Čobanija 9/3, 71000 Sarajevo

Tel/fax: 033 205 850, 063 223 148

E-mail: asubih@yahoo.com



Asocijacija srednjoškolaca u Bosni i Hercegovini je nevladina, nepolitička i neprofitna organizacija za sva Vijeća/Savjete učenika srednjih škola u Bosni i Hercegovini, koja postoji prvenstveno radi njihovog umrežavanja te poboljšanja standarda srednjoškolaca.

Organizacija je osnovana od strane srednjoškolaca 04.11.2007. sa misijom da poveća stepen uključenosti srednjoškolaca u proces donošenja odluka koje utječu na njihov status u društvu kroz upoznavanje sa pravima srednjoškolaca, promovisanje modernih načina učenja usklađenih sa standardima najrazvijenijih zemalja u Europi, te zastupanje ideja svih srednjoškolaca u Bosni i Hercegovini koje doprinose poboljšanju njihovog života u zajednici.

Aktuelni projekat ASuBiH-a jeste „Edukacija – Aktivacija“ u okviru kojeg je 28. – 29.03.2009. u SHL kući u Sarajevu već urađen jedan seminar za Vijeća/Savjete učenika srednjih škola BiH na kojem su bili prisutni članovi Vijeća/Savjeta učenika srednjih škola iz Višegrada, Zenice, Posušja, Busovače, Ugljevika, Travnika i Konjica.

Inače, sam projekat se sastoji od četiri seminara: tri tzv. „bazna“ i jednog „naprednog“. Dvodnevni bazni seminari, na koje su pozvani predstavnici onih Vijeća/Savjeta učenika koja ne funkcionišu baš najbolje, stavljaju akcent na edukaciju iz područja prvenstveno svrhe i načina rada Vijeća/Savjeta učenika, potom omladinskog volonterizma, osnova projekt menadžmenta i prava učenika čime se ujedno promoviše Deklaracija o pravima srednjoškolaca, usvojena od strane OBESU-a (Evropsko udruženje srednjoškolaca), a koju je ASuBiH ratificirao u oktobru 2008. godine.

Po završetku baznih seminara planirano je održavanje petodnevnog naprednog seminara za 20 najistaknutijih učesnika baznih seminara, a teme koje će biti zastupljene na naprednom seminaru su: javno zagovaranje i lobiranje, komunikacijske vještine, te napredni stepen projekt menadžmenta.

Preostala dva bazna seminara planirana su za 25. – 26.04.2009., odnosno 09. – 10.05.2009., dok je održavanje naprednog seminara predviđeno za drugu polovinu mjeseca jula.

Sve dodatne informacije o ovom kao i svim drugim projektima Asocijacije srednjoškolaca mogu se pronaći na web stranici www.asubih.ba.



CORNO

Adresa: 7. ulica bb, 74 250 Maglaj

Tel/fax: +387 32 609 340

E-mail: ug.corno@corno.com.ba

Web: www.corno.com.ba

Aktivnosti u martu 2009.

-U utorak 10 marta 2009. godine održana je promocija dokumenta **“Omladinska politika Opštine Doboj 2009. - 2013.”** u sali Skupštine opštine Doboj. Promocija je organizovana od strane opštine Doboj u saradnji sa MDPi Doboj i CORNO-om, gdje je predstavljen proces izrade dokumenta omladinske politike, kao i mjere akcionog plana za prvu godinu implementacije. Osim CORNO-a, koji je radio na izradi ovog dokumenta, u saradnji sa partnerima na ovom projektu NVO MDPi Doboj i Opština Doboj, promociji su prisustvovala i slijedeće zvanice: Ambasador Kraljevine Švedske - Njegova Ekselencija Bosse Hedberg, Prvi sekretar Sida-e u BiH g-din Erik Illes, direktor SDC-a g-din Thomas Ruegg, Načelnik opštine Doboj g-din Obren Petrović, Forum Syd Balkans Programme Manager Zehra Kacapor, Žarko Malinović – predstavnik Europske komisije za pitanja mladih, kao i Živorad Kovačević ispred OSRS-a (Omladinski savez RS), zatim Načelnik općine Maglaj g-din Mehmed Mustabašić i mnogi drugi predstavnici lokalnih institucija, organizacija, NVOa, partneri, lokalnih i regionalnih medija.

Svi oni su naglasili važnost postojanja ovakvog jednog dokumenta, koji će nadamo se postati temeljni dokument ovog regiona, a tiče se mladih ljudi i što je najvažnije podržali su nas u našim nastojanjima da poboljšamo kvalitet života mladih u ovom regionu.

Evidentno je da, učesćem u izradi ovog dokumenta, CORNO je sve više prepoznatljiv u lokalnim zajednicama u kojima djeluje i šire, kao organizacija koja koristeći primjere dobre prakse radi na poboljšanju statusa mladih ljudi u regiji.

Dokument “Omladinska politika Opštine Doboj 2009.-2013.”, kao i ostale publikacije, možete pogledati na našoj web stranici www.corno.com.ba

Kao dio edukativnog programa naše organizacije, priveli smo kraju naš kurs **„Osnove omladinskog rada“** za 6.generaciju polaznika ovog kursa.

U nedjelju 29.marta 2009. imali smo posljednji trening „Prezentacija i evaluacija praktičnog rada“, čiji cilj je bila prezentacija praktičnih radova polaznika, povezivanje teorije sa praksom omladinskog rada općenito, analiziranje različitih metodologija i vještina korištenih tokom izvođenja praktičnog dijela, naglašavajući pozitivne i negativne aspekte pri realizaciji projektnih prijedloga.

Kurs je osmišljen kako bi mladim ljudima prenijeli osnovna znanja i vještine vezano za omladinski rad u zajednici, kako bi oni sutra postali aktivni članovi društva.

Projekat „Izgradnja civilnog društva u ruralnim područjima“ (ICDRP)

Nakon dobijanja fondova ministarstava Federacije i RS tokom ljetnih mjeseci 2008.godine, CORNO je započeo njegovu implementaciju. Pripreme za projekat Izgradnja civilnog društva u ruralnim područjima (ICDRP na lokalnom jeziku) su započele u septembru 2008. Trenerice na ovom projektu su kontaktirale mlade aktiviste iz ruralnih područja Doboj, Maglaj, Teslić i Tešanj. Početni sastanci sa grupama sa ovih područja su održani početkom oktobra 2008..

Teme treninga su bazirane na organizacijski menadžment i finasiranje NVOa; pisanje i upravljanje projektom; strateško planiranje i odnosi sa javnošću, kao i metodologija istraživanja. Treninzi imaju za cilj da mlade ljude zainteresovane za projekat informišu o osnovnim informacijama i znanju potrebnom za efektivno funkcioniranje NVO. Na zadnjem treningu, učesnici su dobili zadatak da urade istraživanje o potrebama mladih ljudi u svojim zajednicama. Rezultate ovog istraživanja će upotrijebiti kao osnovu za dalji rad NVO. CORNO će nadgledati i podržati ovaj proces.

Aktivnosti omladinskih klubova, kojih imamo 4, i to O.k. Doboj, O.k. Maglaj, O.k. Teslić i O.k. Bočinja idu svojom ustaljenom praksom.

Trenutno su u toku raznorazne edukativne i kreativne radionice, dramska sekcija „Teatar mladih“ koja djeluje u sklopu naše organizacije u našim prostorijama redovno održava probe, pripremajući se za takmičenje mladih pozorišnih amatera u Konjicu sredinom aprila također tu su i plesna grupa, kompjuterska sekcija i mnoge kreativne radionice, koje mladima omogućavaju da na najbolji mogući način provedu svoje slobodno vrijeme, nauče nešto, a usput se i super zabave.

Bitno je napomenuti i to da je od maja 2007.godine CORNO član NVO Vijeća, koju čini grupa od oko 30 NVOa, koji aktivno rade na različitim pitanjima. Od februara 2008.godine CORNO je i član Izvršnog komiteta NVO Vijeća, i kao takav je ujedno i potpisnik Ljubljanske deklaracije, veoma važnog dokumenta o razvoju civilnog društva u regiji. Sastanci Vijeća su svakog mjeseca, i mi kao organizacija aktivno učestvujemo na istim.

Planirane aktivnosti za april 2009.

Za naredni mjesec, između ostalog, izdvajamo slijedeće aktivnosti.

U sklopu edukativnog dijela programa organizujemo kurs za profesore/ce pod nazivom „**Neformalno obrazovanje - metode i primjenljivost**“. Kurs je trenutno u pripremnj fazi, i u zavisnosti od dogovora/ pregovora njegova realizacija bi mogla da bude tokom mjeseca aprila.

Ciljevi ovog kursa su zapravo upoznati profesore/ice sa metodama neformalnog obrazovanja, istražiti mogućnost primjene metoda neformalnog u sistemu formalnog obrazovanja, kao i promovisati vrijednost odn. značaj neformalnog obrazovanja.

Teme: Pojam i značaj neformalnog obrazovanja, metode u neformalnom obrazovanju, mogućnosti primjene metoda neformalnog obrazovanja u sistemu formalnog obrazovanja, evaluacija - važnost i načini

Kurs ce se sastojati od 4 trosatna treninga i u zavisnosti od njihove frekvencije može trajati od 4 dana do 4 sedmice.

Fondacijski kurs za općinske službenike je takođe u pripremi i njegova realizacija će biti tokom mjeseca aprila. Fondacijski kurs je osmišljen kako bi općinskim službenicima pružio osnovna znanja i vještine u razvoju međuljudskih odnosa. Ovo je već drugi Fondacijski kurs koji realizujemo i do sada se pokazalo da je ovakav vid edukacije itekako potreban općinskim službama naše regije.

PRONI

Adresa: Bosne Srebrene 16, 76100 Brčko

Tel/fax: 387 49 233 940, 387 49 217 695

E-mail: pronibrco@teol.net

Web: <http://www.pronibrcko.ba>



Ako ima još onih koji ne znaju ko smo onda želim ukratko da predstavim PRONI iz Brčkog. PRONI Centar za omladinski razvoj je nevladina organizacija koja postoji od 1998. godine na području Brčko Distrikta i od 2006. godine na području opštine Bijeljina i broji 12 zaposlenih. PRONI djeluje kroz mrežu koju čini 27 omladinskih klubova u kojima radi 54 volontera i u kojima se održava 100 aktivnosti sedmično, te 20 aktivnih volontera u kancelariji u Bijeljini. Fokus našeg rada su mladi ljudi a naša vizija je da oni imaju sposobnosti da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene. Rad PRONI centra je podržan od strane SIDE (Švedske razvojne agencije) uz podršku Forum syda.

Jedan od projekata na kojima rade PRONI zaposlenici je „Jačanje kapaciteta rukovodstva udruženja žena u ruralnom području Brčko Distrikta“ koji je finansirala CIDA (Kanadska razvojna agencija). Cilj projekta je ohrabriti žene da aktivno učestvuju u demokratskom napretku društva i osnažiti ih da svojim djelovanjem jačaju udruženje koje predstavljaju. U martu mjesecu održana su tri treninga na kojima su obrađene sledeće teme:

- Uloga žene u modernom društvu
- Žena u medijima

Faze projekta biće praćene medijski na lokalnom nivou a zadovoljstvo nam je što prezentacije našeg rada i uspeha možemo da podjelimo i sa Vama.

Nastavljen je rad na ranije započetim projektima i radionicama na temu ljudskih prava: Mala škola dječijih prava u Brčkom i Bijeloj, Treninzi na temu dječijih i ljudskih prava sa vijećima učenika u OŠ u Bijeloj i učenika SŠ iz Brčkog, projekat pod nazivom „Zdrav život“ u MZ 1.Maj, kao i početni kursevi računara i engleskog.



Održana je i redovna skupština PRONI-a na kojoj su usvojeni:

- Izvještaj o radu za 2008. godinu
- Finansijski izvještaj za 2008. godinu

Mjesečni bilten – Mart 2009

- Revizorski izvještaj za poslovanje u 2008. godini
- Plan rada sa prijedlogom budžeta utroška sredstava za 2009. godinu

U martu mjesecu realizovane su i sledeće aktivnosti:

- PRONI je akreditovan kao organizacija za prijem, slanje volontera i koordinaciju volonterskih aktivnosti u EVS (Evropski volonterski servis) programu
- PRONI je postao punopravan član YEN-a (Youth expres network) trenutno jedina organizacija iz BiH u ovoj mreži
- PRONI zajedno sa drugim omladinskim NVO u Brčkom i OSCE-om radi na inicijativi za izradu Omladinske politike na nivo Brčko distrikta BiH
- PRONI kancelarija u Bijeljini preseljena je na novu adresu ul. Ivana Gorana Kovačića br.5
- Održan je PR trening za zaposlenike PRONI-a u Brčkom
- Menadžemen tim PRONI-a prisustvovao je na treningu za Monitoring i evaluaciju u Beogradu
- Menadžer za PR i obrazovanje PRONI-a zajedno sa 3 volontera iz Bijeljine prisustvovala je na Konferenciji Mladih BiH u Banjaluci od 27-31. marta 2009. godine
- PRONI Brčko je uložio amnadmane na budžet Brčko distrikta BiH za 2009. godinu tražeći sredstva za nastavak rada Mreže klubova u 2009. godini

Planovi PRONI-a za mjesec april je nastavak rada na započetim aktivnostima, obilježavanje svjetskog Dana Roma i organizovanje debate na temu „Efikasnost programa zapošljavanja za mlade u BiH“ pod pokroviteljstvom EUSR za BiH i ambasade Češke Republike u saradnji sa direktijom za Evropske integracij

NOVE ČLANICE

Dragi prijatelji Omladinska Mreža BiH je dobila nove članove a to su:

Organizacije

Asocijacija srednjoškolaca u Bosni i Hercegovini (ASuBiH)

Ulica Čobanija 9/3, 71 000 Sarajevo

00 387 33 205 850, 00 387 63 223 148,

asubih@yahoo.com

www.asubih.ba

Faruk Trgić Predsjednik, Ivica Alpeza

U četvrtom mjesecu 2007. godine u organizaciji njemačke Fondacije Schuler Helfen Leben-SHL, u Sarajevu je održan sastanak tridesetak srednjoškolaca iz cijele BiH koji su u svojim sredinama bili najaktivniji na polju V/S učenika. Glavni problem koji je tada identificiram u srednjoškolskom obrazovanju i cijelom procesu jeste obrazovni sistem koji je veoma kompleksan. Također, tu su i pitanja vezana za motiviranost učenika, njihovu aktivnost u radu V/S učenika, neinformiranost srednjoškolaca o njihovim pravima i dužnostima, te neadekvatno poznavanje peer to peer i liderskih vještina. U svrhu rješavanja ovih problema na spomenutom sastanku je formiran Inicijativni odbor za osnivanje nevladine organizacije koja bi se prvenstveno bavila pitanjima vezanim za Vijeća/Savjete učenika u srednjim školama u BiH. Nakon ovog sastanka uslijedilo je još šest sastanaka Inicijativnog odbora. Svrha tih sastanaka bila je definiranje ciljeva i zadataka, te utvrđivanje načina organiziranja i funkcioniranja buduće Asocijacije srednjoškolaca u Bosni i Hercegovini. Konkretna aktivnost proizašla iz spomenutih sastanaka bila je organiziranje konferencije koja je pružila mogućnost da

predstavnicima svih srednjih škola u BiH odlučiti o osnivanju nevladine organizacije za rad Vijeća/Savjeta učenika.

Ciljevi i djelatnosti udruženja su:

- međusobno povezivanje članova Udruženja u cilju unapređivanja njihovog statusa u društvu, zaštite osnovnih prava i stvaranja boljih uslova života i obrazovanja;
- unapređivanje i promoviranje demokracije i ljudskih prava i jačanje civilnog društva;
- organiziranje kreativnih radionica, savjetovanja, kulturno-umjetničkih projekata i seminara;
- zalaganje za veću participaciju mladih u procesu donošenja odluka;
- podizanje svijesti o potrebi promoviranja obrazovanja mladih starosti od 14 do 19 godina;
- stvaranje finansijskih uslova za školovanje mladih bez obzira na njihov spol, religiju, nacionalnu i političku pripadnost;
- angažiranje na stvaranju pretpostavki za jačanje odgovornosti mladih;
- izdavanje časopisa, brošura, letaka, biltena, knjiga i drugih publikacija radi promoviranja djelatnosti Udruženja;
- razmjena iskustava, saznanja i informacija sa srodnim udruženjima i drugim nevladinim organizacijama u zemlji i inozemstvu;
- pokretanje inicijativa kod nadležnih organa da se zakonskom i drugom pravnom regulativom rješavaju pitanja iz registrovane djelatnosti Udruženja.

Udruženje za kreativni odgoj djece i mladih "LAN"

Žrtava Fašizma br.9 71000 Sarajevo

061/350-816; 033/646-835,

udruzenje.lan@gmail.com

Lejla Karačić, Amela Mrehić, Nermina Oglečevac

Udruženje je osnovano prije mjesec dana, čine ga grupa mladih ljudi zaposlenih u jednoj sarajevskoj gimnaziji. Radeći na mnogobrojnim projektima koje smo realizovali u okviru škole, osjetili smo potrebu da napravimo nešto više, a što kroz državnu ustanovu – školu nismo u mogućnosti.

Ciljevi Udruženja su:

- formiranje grupa i organizovanje edukativnih radionica
- edukativna radionica je osmišljena kao mjesto gdje djeca mogu eksperimentirati, učiti, zabavljati se kroz kreativno osmišljen program. Sve grupe djece uživaju u radionici. Prvi prioritet vezan za aktivnosti radionice je da obezbijedi sigurnost djece, koju prati stimulacija i podsticaj pri razvoju mašte i kreativnosti
- podsticati razvoj interesovanja i sposobnosti, njegovati samoizražaj, znanje o jeziku i rješavanje problema na kreativan način
- učiti djecu i mlade manirima lijepog ponašanja – pravila ponašanja kroz svakodnevne životne situacije, umjetnost, književnost, glumu, poeziju itd.
- kroz kreativnu radionicu djecu i omladinu stimulisati na:
 - radoznalost, inicijativu i nezavisnost
 - samopouzdanje i mogućnost donošenja samostalnih odluka
 - ekološku svijest
 - djelotvorne komunikacione sposobnosti

- sposobnost rješavanja problema
- ljubav ka literaturi, muzici, umjetnosti
- kroz rad kreativne radionice organizovati edukativne izlete
- obilježiti značajne datume i godišnjice
- njegovati kulturno-historijske vrijednosti BiH
- uz pomoć stručnjaka djelovati na sva područja dječjeg odgoja i obrazovanja
- saradnja sa drugim udruženjima sličnog opredjeljenja
- ostale aktivnosti za koje se ukaže potreba, sve u skladu sa Zakonom i ovim Statutom

INFORMACIJE

U Vlasenici će za ljeto 2009.godine biti organizovani sljedeći kampovi:

EWOCA3 radni kamp na kome će učešće uzeti po deset mladih iz Njemačke, Letonije i BiH. Svrha kampa je multikulturalno druženje mladih kroz rad i zajedničko učenje. Na ovom radnom kampu za mlade zadatak će biti pravljenje prvog ekološkog kanizacionog sistema u našoj državi. Naime, radi se o kružnom ciklusu kroz koji cirkuliše otpadna voda iz omladinskog hostela Stara škola. Kamp će trajati tri sedmice od čega će dvije biti radne, dok će treću sedmicu provesti putujući niz rijeku Drinu sa vikinškim brodovima. Ova aktivnost će se takođe održati po prvi put u BiH i nadamo se da će izazvati veliko interesovanje. Ovaj radni kamp će trajati od 18.jula do 07.avgusta 2009.godine. Projekat finansira Mercator Stiftung fondacija iz Essena u Njemačkoj, te opština Vlasenica i Vlada RS.

Euro Viking Trip je projekat u kom će učestvovati Srbija, Njemačka i Bosna i Hercegovina, a radi se o dvije ture spuštanja vikinškim brodovima niz rijeku Drinu. Ovo putovanje će se održati u dvije grupe i trajaće ukupno 21 dan. Cilj projekta je druženje i kulturni razvoj mladih iz ove tri države, te prevazilaženje raznih prepreka i tabua iz prošlog građanskog rata u BiH. Kampovanja su planirana da se održavaju na BiH strani rijeke Drine za prvu grupu i na Srbijanskoj strani rijeke za drugu grupu. U ovom projektu učestvovalaće oko 20 mladih iz pomenutih zemalja. Ovaj kamp traje od 08.-28.avgusta 2009.godine. Projekat će biti finansiran od strane Youth in action.

Sajam NVO i kamp za mlade je projekat koj je zamišljen kao petodnevni edukativni kamp na kome će učešće uzeti 15 omladinskih organizacija sa područja čitave BiH. Teme radionica na kampu će biti prilagođene uzrastu srednjoškolca, a vodiće ih nekoliko vršnjačkih edukatora koji su prošli edukaciju UMiD u Spjalici na Ilidži u protekloj godini. Prvih pet dana biće popunjeno obrazovnim programom i slobodnim aktivnostima (odlazak na rijeku, jezero, planinu) dok bi šesti dan bio rezervisan za sajam NVO na gradskom trgu u Vlasenici, gdje će učesnici kampa predstaviti svoje organizacije i lokalne zajednice iz kojih dolaze. Sajam za NVO i kamp zamlade održaće se od 10.-16.avgusta 2009.godine. projekat podržava opština Vlasenica i Ministarstvo za porodicu, omladinu i sport.

Svi učesnici pomenutih kampova i aktivnosti biće smješteni u omladinski hostel Stara škola i u šatorskom naselju u blizini hostela.

Više informacija može se dobiti na info@youthcamp-vlasenica.ba i na broj telefona 063/784-062

Y-PEER Bosna i Hercegovina

Y-PEER, Youth Peer, je globalna mreža mladih ljudi i stručnjaka koji primjenjuju metodologiju edukacije vršnjaka radeći sa adolescentima, a putem koje se razvija komunikacija i pomoć vršnjaka vršnjaku.

Primarni fokus Y-PEER mreže je način na koji se može pristupiti mladim ljudima kako bi bili pravilno informisani na teme seksualnog i reproduktivnog zdravlja, ljudskih prava, jednakosti polova, itd. Veliki broj mladih ljudi u BiH nema pristup takvim informacijama, jer ne postoje informativni centri u njihovim sredinama sa prijateljskim pristupom mladima, niti postoje edukatori vršnjaka u njihovom okruženju od kojih mladi dobivaju informacije o pubertetu, razvoju, seksualnosti, i tako dalje.

Y-PEER mreža u BiH sastoji se od trinaest internacionalno certificiranih trenera i preko stotinu i pedeset (150) edukatora vršnjaka, koji zajedno učestvuju u programu za poboljšanje zdravlja mladih, a posebno u programu za poboljšanje zdravlja mladih u BiH.

Mladi iz raznih razloga izbjegavaju razgovor sa roditeljima i nastavnicima, te metodologija edukacije vršnjaka omogućava razmjenu znanja između mladih, a također uključuje roditelje, nastavnike i profesionalna lica u sistem komunikacije.

Ukoliko želite da saznate nešto više o pubertetu, adolescenciji, seksualno prenosivim infekcijama, itd., ili jednostavno želite da podijelite informacije sa vašim prijateljima i vršnjacima, posjetite našu web stranicu na adresi www.y-peer.ba ili kontaktirajte naše trenere putem e-mail adrese pitaj.vrsnjaka@y-peer.ba, a uskoro ćete moći da postavljate pitanja našim trenerima i putem foruma, te da komunicirate i razmjenjujete mišljenja sa svojim vršnjacima o mnogim temama.

Molba za podršku projektu Puna usta mladih!

Dragi prijatelji,

Udruženje KULT iz Sarajeva, u partnerstvu s Omladinskim savjetom Grada Istočno Sarajevo, a uz podršku Centara Civilnih Inicijativa (CCI) provodi projekt Puna usta mladih! Doprinos održivoj i institucionalnoj brizi o mladima kroz nova zakonska rješenja. Projekt ukazuje na probleme koji se tiču insitucionalne (ne)brige vlasti o mladima, pogotovu u oblasti omladinskog organiziranja i rada s mladima. Ne postoje nikakva ili samo neujednačena i loša zakonska rješenja koja uređuju ovu oblast, a svakim danom sve više se osjete posljedice ovih nedostataka. U Federaciji Bosne i Hercegovine (FBiH) ne postoji zakon koji regulira brigu o mladima, kao ni zakon o organiziranju mladih. U Republici Srpskoj (RS) usvojen je Zakon o omladinskom organizovanju, koji se u međuvremenu pokazao manjkavim, ne provodi se u cijelosti, ne obrađuje tematiku rada s mladima, već isključivo organiziranje mladih. Nedavno su usvojene izmjene i dopune ovog zakona, međutim samo s kozmetičkim izmjenama, bez zadiranja u bit problema. U Brčko-Distriktu BiH (BD) postoji nacrt zakona o mladima, ali nije upućen u proceduru niti je ikada objelodanjen. Na državnoj razini BiH također ne postoji zakon koji regulira oblast omladinskog organiziranja i rad s mladima. Projektom se želi doprinijeti unapređenju pravnog okvira za omladinsko organiziranje, kroz usvajanje zakonskih rješenja na razini FBiH i Brčko-Distrikta BiH, te unapređenju provođenja postojećeg zakona u RS-u, prije svega na lokalnom nivou. Potrebno je usavršiti nacrt Zakona o mladima u FBiH, s kojim je Komisija za mlade FBiH upoznata, te dovršiti nacrt Zakona o mladima u BD-u. Sva zakonska rješenja potrebno je uputiti u parlamentarnu proceduru na usvajanje, a projektne aktivnosti usmjerene su na jaku medijsku kampanju, pritisak javnosti i ključnih korisnika, te na podršku tokom cijelog procesa. Pored kratkoročnih rezultata koji se odnose na usvajanje gore navedenih zakonskih rješenja, projekt teži postizanju sljedećih dugoročnih rezultata: Nadležna ministarstva i druge institucije pišu, usvajaju, provode i evaluiraju programe djelovanja iz svih oblasti koje se tiču mladih; provodi se dovoljno projekata od sredstava koja osiguravaju vlade svih razina vlasti, a koji obrađuju probleme i potrebe mladih ljudi, u skladu s njihovim zahtjevima kroz aktivno sudjelovanje; mladi su aktivno uključeni u

Mjesečni bilten – Mart 2009

sve procese donošenja odluka koje ih se tiču, uz ravnopravno iznošenje mišljenja i sudjelovanje u gremijima; postoje institucionalni kanali razmjene informacija između vlasti na svim razinama i predstavnika mladih.

Molimo vas, ukoliko se slažete s idejama projekta, da popunite pismo podrške u prilogu i pošaljete nam ga poštom ili faksom.

Na našoj internet stranici www.mladi.org možete se redovno informirati o aktivnostima projekta i uključiti u njihovo provođenje.

Unaprijed vam se zahvaljujemo na saradnji i podršci.

S prijateljskim pozdravom
Jasmin Bešić,
predsjednik Udruženja

Naziv udruženja	
Adresa	
Telefon/faks	
E-mail, web	

U , g.

faks: 033 637 290

prima:
Udruženje KULT
Projekt *Puna usta mladih!*
Banjska ul. 2
71210 Ilidža


Podrška projektu *Puna usta mladih!*

Poštovani,

Naše udruženje daje punu podršku Udruženju KULT u provođenju projekta Puna usta mladih! - Doprinos održivoj i institucionalnoj brizi o mladima kroz nova zakonska rješenja. Projekt ukazuje na probleme koji se tiču insitucionalne (ne)brige vlasti o mladima, pogotovu u oblasti omladinskog organiziranja i rada s mladima.

Projektom se želi doprinijeti unaprjeđenju pravnog okvira za omladinsko organiziranje, kroz usvajanje zakonskih rješenja na razini FBiH i Brčko-Distrikta BiH, te unaprjeđenju provođenja postojećeg zakona u RS-u, prije svega na lokalnom nivou.

S prijateljskim pozdravom




Koje rezultate želimo postići?
Pored kratkoročnih rezultata koji se odnose na usvajanje gore navedenih zakonskih rješenja, projekat teži postizanju sljedećih dugoročnih rezultata: Nedostajna ministarstva i druge institucije nisu usvajaju, provode i evaluiraju programe vjersovanja iz svih oblasti koje se tiču mladih. Provodi se dovoljno projekata od sindikata koja odgovaraju vladi svih razina vlasti, a koji obrađuju probleme i potrebe mladih. Sudu, u skladu s njihovim zaključcima kroz aktivno sudjelovanje mladi su aktivno uključeni u sve procese donošenja odluka koje ih se tiču, uz ravnoopravno iznošenje mišljenja i sudjelovanje u grupama. Postoje institucionalni kanali razmjene informacija između vlasti na svim razinama i predstavnik mladih.

Ko su naši ključni partneri?
1. Omladinski savjet Grada Istočno Sarajevo
2. Fondacija za kreativni razvoj, Sarajevo

Koliko će trajati projekat?
Od januara do decembra 2009. g.

Kako mogu dobiti više informacija ili se uključiti u projekat?
Kontaktirajte:
Udruženje KULT
Obrazovno-razvodni centar za mlade SPAJALICA
Banjaka ul. 2
71210 Iliđa
tel./faks: 033 637 290
sarajevo@kultbih.org
www.zakon.mtadi.org

Podržano od:


PUNA USTA MLADIH!
Doprinosi po život i institucionalnoj brizi o mladima kroz nova zakonska rješenja

Kojim se problemom bavi projekat?
Projekat „Puna usta mladih“, deprimira održivog i institucionalnog brizi o mladima kroz nova zakonska rješenja, ukazuje na probleme koji se tiču institucionalne (ne)brige vlasti o mladima, naglašava u oblasti omladinskog organiziranja i rada o mladima. Ne postaje nikakva ili samo nepopadna i laka zakonska rješenja koja rješavaju svu oblast, a vrata danih sve više se ojačavaju postojanje ovih nedostataka. U Federaciji Bosne i Hercegovine (FBiH) ne postoji zakon koji regulira brigu o mladima, kao ni zakon o organiziranju mladih. U Republici Srpskoj (RS) usvojen je Zakon o omladinskim organizacijama, koji se u međuvremenu pokušao usvajati, ne provodi se u cijelosti, ne obrađuje temeljnu radu o mladima, već isključivo organiziranje mladih. Nedavno su usvojene izmjene i dopuna ovog zakona, međutim samo o tehničkim izmjenama, bez zadiranja u bit problema. U Brčko-Distriktu BiH (BD) postoji nacrt zakona o mladima, ali nije upućen u proceduru BiH je izrada obavezan. Ne državnoj razini BiH zakonir na postoji zakon koji regulira oblast omladinskog organiziranja i rad o mladima.

Koji je cilj projekta?
Projekatom želimo doprinijeti unaprjeđenju pravnog okvira za omladinsko organiziranje, kroz usvajanje zakonskih rješenja na razini FBiH i Brčko-Distriktu BiH, te unaprjeđenju provođenja postojećeg i nedavno izmijenjenog zakona u RS-u, gdje svega na lokalnom nivou. Potrebno je usavršiti nacrt Zakona o mladima u FBiH (nacrt nam je ustupilo Njemačko društvo za tehničku saradnju, GIZ, u okviru ovog projekta), te dovršiti nacrt Zakona o mladima u BD-u. Sve zakonska rješenja potrebno je upućiti u parlamentarnu proceduru na usvajanje, a projekte aktivnosti usmjerene su na jaku medijsku kampanju, prilik javnosti i ključnih korisnika, te na podršku tokom cijelog procesa.

Koje su ciljne grupe i korisnici?
Ciljne grupe projekta su strukture vlasti i nevladine strukture. Kako vladine, tako i nevladine strukture bit će direktno uključene u provedbu svih projekatnih aktivnosti, pogotovo u toku izrade novih, jedn. poboljšanih zakonskih rješenja. Podrška će biti pružena svim navedenim ciljnim grupama u procesu usvajanja novih dokumenata. Korisnici projekta su, parol svih koje se navedene kao ciljne grupe, strukture vlasti (općine i kantoni), sve udruženja koja se primarno bave omladinskim radom, vještač/savjetni mladih na svim razinama vlasti, mladi, kao pojedinci kroz institucionalnu brigu i provođenje vladinih programa koji se tiču mladih (tudi).

NVO ALTRUIST Sarajevo

15 MEDALJA ZA STONOTENISERE I STONOTENISERKE NVO ALTRUISTA „SVJETLO” NA DRŽAVNOM PRVENSTVU U STONOM TENISU

Poštovani,
čini nam zadovoljstvo upoznati vas o novom uspjehu sportaša i sportašica NVO altruista „SVJETLO”.

Pod pokroviteljstvom Special Olympics BiH, a u organizaciji H.O. „Carits“ - Mostar , u Mostaru je 28.marta 2009. godine održano državno prvenstvo u stonom tenisu za osobe s umanjnim sposobnostima. Na državnom prvenstvu nastupalo je 25 ekipa iz Sarajeva, Zenice, Tuzle, Prijedora, Banja Luke, Mostara, Novog Travnika, Dervente, Maglaja, Fojnice, Gradačca i Širokog brijega.

Na državnom prvenstvu NVO altruista «SVJETLO» nastupila je u I (prvoj) , II (drugoj) i III (trećoj) diviziji muški i I (prvoj) i II (drugoj) diviziji djevojke, sa ukupno 17 stonotenisera i stonoteniseric, koji su osvojili 4 zlatne, 7 srebrnih i 4 bronzane medalje.

Mjesečni bilten – Mart 2009



STONOTENISERI I STONOTENISERICE na državnom prvenstvu – mostar 2009-03-29

Zlatne medalje osvojili/e su: Irma Pršeš, Nermina Durmišević, Emir Mališević i Alen Cerović

Srebrene medalje su osvojili/e: Darko Dedić, Amar Berisalić, Saša Arsovski, Amir Pašić, Nihad Bukalo, Irna Pršeš i Amra Pašalić

Bronzane medalje osvojili/e su: Azra Dučić, Nihad Bukalo, Husein Avdić. Jasmin Mašić.

Za postignuti uspjeh osim sportaša, najveće zasluge ima i voditelj škole sporta, profesor Suad Behmen.

Važnim smatramo istaći da su Irna Pršeš, Nermina Durmišević, Emir Mališević i Alen Cerović odbranili zlatne medalje osvojene na državnom prvenstvu 2008. godine koje je održano u Tuzli, a Nihad Bukalo, Jasmin Mašić, Amra Pašalić, Husein Avdić osvojili su prve medalje u stonom tenisu.

Prevoz je obezbjeđen zahvaljujući vlastitim sredstvima prikupljenim na prodajnim izložbama „ArT LiNe“ kreativne radionice i saradnji sa kompanijom Centrotrans-Eurolines obezbjeđen je luksuzan autobus za prevoz sportaša i navijača.

DONATORI / STIPENDIJE / ŠKOLARINE / NAGRADE / POSLOVI / PRILOZI

25.03.2009. Stipendije za studiranje i stručno usavršavanje u Rumuniji

Rumunsko Ministarstvo obrazovanja, istraživanja i mladih obavještava sve studente, te buduće studente zainteresovane za studiranje i stručno usavršavanje u Rumuniji, da je Odjel za kulturne, obrazovne i naučne odnose pri rumunskom Ministarstvu vanjskih poslova, objavio konkurs za dodjelu 85 stipendija, stranim studentima.

Ministarstvo vanjskih poslova nudi stipendije za tri kategorije aplikanta:

1. za prvi ciklus (licenta): za učenike, završne godine srednje škole koji planiraju upisati fakultet u Rumuniji i to u trajanju od 3 do 6 godina.
2. za drugi ciklus (master): za studente završnih godina svojih fakulteta, koji žele nastaviti svoje obrazovanje i stručno usavršavanje u Rumuniji kroz Master programe i to u trajanju od 1.5 do 2 godine.
3. za treći ciklus (doctorate): za magistre zainteresovane za dalje stručno usavršavanje i sticanje titule Doktora nauka.

Studenti koji žele aplicirati za stipendiju, to moraju učiniti najkasnije do 15. aprila 2009, te potrebne dokumente dostaviti ISKLJUČIVO u Rumunsko predstavništvo u Bosni i Hercegovini ili predstavništvo Bosne i Hercegovine u Rumuniji.

Ukoliko nadležni organi prihvate podnijetu aplikaciju, studenti će najkasnije do 1. Jula 2009. dobiti originalno pismo prihvatanja za studiranje u Rumuniji.

Aplikanti moraju dostaviti sljedeće dokumente:

1. Pismo namjere – izdato od strane diplomatskog predstavništva Rumunije u BiH ili BiH u Rumuniji, koji sadrži sljedeće dokumente:
 - tačan naziv stipendije za koju kandidat aplicira
 - kandidatovo puno ime i prezime
 - preporuke za kandidate ili osvrt na njihovu dosadašnju aktivnost
 - lista dokumenata sadržanih u pomenutom dokumentu
2. Dokument koji potvrđuje obrazovni status kandidata (diploma završenog školovanja) – ovjerena kopija dokumenta sa ovjerenim prevodom. U slučaju aplikant još uvijek pohađa podljednju godinu srednje škole ili fakulteta, mora dostaviti datum zadnjeg ispita i dodjele diplome, te istu podnijeti nadležnim organima ukoliko bude prihvaćen kao stipendista.
3. Potvrda o položenim ispitima – ovjerena kopija sa ovjerenim prevodom. Ovaj dokument treba sadržavati zvaničnu potvrdu uspjeha postignutog u predhodnim godinama, te potvrdu o položenim ispitima u prvom semestru završne godine, za studente koji još nisu diplomirali ili završili srednjoškolsko obrazovanje.
4. Rodni list – ovjerena kopija sa ovjerenim prevodom
5. Ljekarsko uvjerenje
6. Aplikacijska forma za MAE stipendiju
7. Aplikacijska forma za MECT
8. Curriculum Vitae (CV)
9. 4 novije fotografije

Kandidati moraju dostaviti potrebne dokumente u dvije kopije. Jedna kopija mora sadržavati ovjerene kopije i ovjerene prevode dokumenata, dok druga mora sadržavati jednostavne kopije dokumenata iz prvog dokumenta.

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:
sCh design
Webmaster:
Emir Delalić-Zeko - Tuzla
emir.delalic@gmail.com
emirdelalic@yahoo.com

web: www.omladina-bih.net
mejling lista Mreže:
mailing@omladina-bih.net

Adrese za slanje vaših informacija za mjesečni bilten:
orctuzla@bih.net.ba
fax: 035 258 077

hCa Tuzla
Hadži Bakirbega Tuzlića 1,
75000 Tuzla
tel / fax: 035 258 077
e-mail: orctuzla@bih.net.ba
hcatuzla@bih.net.ba

hCa Banja Luka
Krfska 84, 78000 Banja Luka
tel: 051 432 753,
fax: 051 432 752
e-mail: hcalido@inecco.net
hcabl1@blic.net

Mjesečni bilten uređuje Omladinski resursni centar - ORC Tuzla